



Rabu, 21 Juni 2023

Ogen : Joel 3:1-8



Ukumen Man Bangsa-Bangsa



Uga kita memaknai kalimat "saved by the bell"? Ungkapen enda bena-benana terjadi tahun 1696, asum sekalak penjaga si tergelar John Hatfield si ertugas i Windor Castle, Inggris. Ia ituduh tunduh i pos jagana ras la ndahiken dahinna. Ibahanna pembelaan alu ngatakan ia labo tunduh, tandana eme ibegina sora lonceng gereja Katedral St. Paul si jarakna 20 mil arah London ersora 13 kali. Amin bage pe ia tetap ivonis, terancam ukumen gantung. Tapi lit kalak kenca dung megiken pembelaan Hatfield maka ilakoken banding. Kalak enda ndatken bukti maka lonceng i gereja St. Paul ersora 13 kali. Janah lit ka kalak si deban si megi ras engkira 13 dentang lonceng e. Dungna ukumen Hatfield la surung janah ia nggeluh seh umur 102 tahun. Si tuhuna Hatfield tuhu-tuhu "saved by the bell".

Adi si perdiatken kerna teks ta enda pe, bangsa Juda pe "saved by the bell" ija ukumen si ibereken Dibata man bana salih jadi keselamatan. Engkai maka bage? sebab ukumen si ibereken Dibata man bangsa Juda arah serangan bangsa-bangsa si deban man bana nggo iakap Dibata lebihsa. Ija iidah Dibata maka bangsa-bangsa si nerang Juda nggo rate-ate man bangsa Juda. Idayakenna anak dilaki ras diberu jadi budak, ibuatina emas ras pirak bagepe barang-barang si meherga arah Rumah Pertoton Dibata, iangkutna kalak Juda ku negerina ras idayakenna deba kalak Juda man kalak Junani. Emaka merawa Dibata man bangsa-bangsa e, maka iukum Dibata atena ia kerina janah Juda ibaba Dibata ka ndarat ibas negeri e mulih ku kutana i Jerusalem. Situasi ras keadaan banci saja nelamatkan kita, tapi si pentingna man Tuhanlah kita mindo keselamatan. Labo terjeng "saved by the bell" tapi "saved by God".

Erkitekən Dibata, k̄ita selamat bas ukumen nari